



Broj: UP08-07-1-1218/14
Sarajevo, 27.06.2014. godine

Ministarstvo pravde Bosne i Hercegovine, rješavajući Zahtjev STRELJAČKOG SAVEZA BOSNE I HERCEGOVINE, sa sjedištem u Sarajevu, ulica Paromlinska broj 17, za upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11) i člana 4. stav 1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12) i člana 22. stav 3. Zakona o sportu u Bosni i Hercegovini („Službeni glasnik BiH“, br. 27/08 i 102/09), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine, za streljački sport u Bosni i Hercegovini, upisuje se Savez pod nazivom:
 - a) STRELJAČKI SAVEZ BOSNE I HERCEGOVINE
STRELJAČKI SAVEZ BOSNE I HERCEGOVINE
СТРЕЛЈАЧКИ САВЕЗ БОСНЕ И ХЕРЦЕГОВИНЕ
 - b) Skraćeni naziv Saveza je: SSBiH, SSBiH, ССБиХ
 - c) Naziv Saveza na engleskom jeziku glasi:
SHOOTING FEDERATION OF BOSNIA AND HERZEGOVINA
 - d) Sjedište Saveza je u Sarajevu, ulica Paromlinska broj 17.
2. Upis je izvršen pod registarskim brojem 1605 Knjiga I Registra sa danom 27.06.2014. godine.
3. Savez ima svoj znak. Znak Saveza je okruglog oblika koji predstavlja stilizovanu metu od tri četvrtine kruga crne boje u čijem se gornjem desnom dijelu nalazi grb Bosne i Hercegovine.
4. Danom upisa u Registar udruženja kod Ministarstva pravde Bosne i Hercegovine, Savez stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registriranim nazivom.
5. Ciljevi i djelatnosti Saveza su: organiziranje i sprovođenje sistema takmičenja; zastupanje i predstavljanje sporta u međunarodnim sportskim organizacijama; pripremanje i nastupanje državnih reprezentacija na zvaničnim međunarodnim takmičenjima; utvrđivanje programa razvoja u skladu sa Strategijom; saradnja sa nadležnim sportskim i drugim organima Bosne i Hercegovine; izdavanje publikacija u svrhu ostvarivanja djelatnosti Saveza, u skladu sa Zakonom.
6. Lica ovlaštena za zastupanje Saveza su Nijaz Šahinović, predsjednik Saveza i Momčilo Bodiroga, podpredsjednik Saveza.
7. U slučaju nastupanja promjena činjenica koje su upisane u Registar, Savez je dužan u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu, zahtjev za izmjenu i dopunu registracije, u roku od 30 dana od dana nastupanja promjene.
8. Ovo rješenje će se objaviti u „Službenom glasniku BiH“, o trošku podnosioca zahtjeva.

Obrazloženje

„STRELJAČKI SAVEZ FEDERACIJE BOSNE I HERCEGOVINE“ i STRELJAČKI SAVEZ REPUBLIKE SRPSKE, osnivači STRELJAČKOG SAVEZA BOSNE I HERCEGOVINE, sa sjedištem u Sarajevu, ulica Paromlinska broj 17, podnijeli su 07.05.2014. godine, zahtjev za upis u Registar udruženja kod Ministarstva pravde Bosne i Hercegovine.

Uz zahtjev za upis u Registar udruženja priložena je sljedeća dokumentacija: Zapisnik sa Osnivačke Skupštine STRELJAČKOG SAVEZA BOSNE I HERCEGOVINE od 22.12.2013. godine; Odluka o osnivanju STRELJAČKOG SAVEZA BOSNE I HERCEGOVINE, broj: 01/13 od 22.12.2013. godine sa potpisom svih osnivača i predsjednika Osnivačke Skupštine; Odluka Skupštine „STRELJAČKOG SAVEZA FEDERACIJE BOSNE I HERCEGOVINE“, broj: 04/13 od 30.07.2013. godine; Izvadak Federalnog ministarstva pravde iz Registra udruženja Federacije Bosne i Hercegovine, o upisu u Registar „STRELJAČKOG SAVEZA FEDERACIJE BOSNE I HERCEGOVINE“, broj: 03-49-1455/14 od 01.04.2014. godine; Odluka Skupštine STRELJAČKOG SAVEZA REPUBLIKE SRPSKE, broj: 26/13/AA od 21.02.2013. godine; Izvod iz sudskog Registra Osnovnog suda u Banjoj Luci, o upisu u Registar udruženja građana STRELJAČKOG SAVEZA REPUBLIKE SRPSKE, broj: F-1-114/03 od 02.04.2014. godine; Statut STRELJAČKOG SAVEZA BOSNE I HERCEGOVINE, broj: 002/13 od 22.12.2013. godine u dva primjerka; Odluka o imenovanju organa STRELJAČKOG SAVEZA BOSNE I HERCEGOVINE, broj: 03/14 od 22.12.2013. godine; ovjeren potpis lica ovlaštenih za zastupanje Saveza s ovjerenim fotokopijama ličnih karata; Spisak osnivača Saveza; ovjerene fotokopije ličnih karata članova Upravnog odbora Saveza; primjerak znaka Saveza i ovjeren prijevod naziva Saveza na engleski jezik od 31.03.2014. godine.

Na osnovu činjenica utvrđenih u postupku, proizilazi da su ispunjeni uslovi predviđeni članom 22. stav 3. Zakona o sportu u Bosni i Hercegovini, Zakona o udruženjima i fondacijama Bosne i Hercegovine i Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis u Registar udruženja STRELJAČKOG SAVEZA BOSNE I HERCEGOVINE kod Ministarstva pravde Bosne i Hercegovine, pa je doneseno Rješenje kao u dispozitivu.


Na ovo Rješenje naplaćena je administrativna taksa u iznosu od 200,00 KM, za upis u Registar udruženja u skladu sa članom 33. stav 2a. navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

Dostavljeno:

- STRELJAČKI SAVEZ BOSNE I HERCEGOVINE,
Ulica Paromlinska broj 17, 71 000 Sarajevo,
s ovjerenim Statutom, broj: 002/13 od 22.12.2013. godine;
- Zbirka isprava;
- JP NIO "Službeni list BiH".



MINISTAR

Bariša Čolak